

ხელშეკრულება
სახელმწიფო შესყიდვის შესახებ №02/04/18-194

ქ. თბილისი

09 აგვისტო, 2018 წ.

ერთის მხრივ სსიპ სახელმწიფო სერვისების განვითარების სააგენტო (შემდგომში „შემსყიდველი“), მისი წარმომადგენლის, სააგენტოს მხარდაჭერის დეპარტამენტის დირექტორის ნინო ინჭკირველის და მეორეს მხრივ შპს „იუ ჯი თი“ (შემდგომში „მიმწოდებელი“), მისი გენერალური დირექტორის ერმილე სულაძის სახით, სახელმწიფო შესყიდვების შესახებ კანონმდებლობისა და მიმწოდებლის სატენდერო წინადადების საფუძველზე, #SPA180006149 ელექტრონული ტენდერის ჩატარების შედეგად, „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ჟ“ ქვეპუნქტის საფუძველზე დებენ სახელმწიფო შესყიდვის შესახებ ხელშეკრულებას

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ - კალენდარული დღე, კვირა, თვე, თუ ხელშეკრულებით სხვა რამ არ არის განსაზღვრული.
- 1.4. „შემსყიდველი“ - ორგანიზაცია, რომელიც ახორციელებს შესყიდვას.
- 1.5. „მიმწოდებელი“ - პირი, რომელიც აწვდის საქონელს ამ ხელშეკრულების ფარგლებში.
- 1.6. „საქონელი (თანმდევი მომსახურებით)“ - ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

სააგენტოს მონაცემთა დამუშავების ცენტრისთვის უწყვეტი კვების წყაროს (თანმდევი მონტაჟით)
სახელმწიფო შესყიდვა ხელშეკრულების დანართი #1-ის (ფასების ცხრილი), დანართი #2-ის
(ტექნიკური დავალება) და დანართი #3-ის (საგარანტიო მომსახურება) შესაბამისად
(CPV-31154000)

3. ხელშეკრულების ღირებულება

- 3.1 ხელშეკრულების ღირებულება შეადგენს 93,359.00 (ოთხმოცდაცამეტი ათას სამას ორმოცდაცხრამეტი) ლარს;
- 3.2 დაფინანსების წყარო: შემსყიდველის კანონმდებლობით ნებადართული შემოსავლები (პროგრამა „სააგენტოს მონაცემთა ბაზების დახვეწა, ინფორმაციული უსაფრთხოებისა და პერსონალური მონაცემების დაცვის ხელმისაწვდომობა“).
- 3.3 ხელშეკრულების ღირებულება მოიცავს როგორც შესყიდვის ობიექტის ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს (მათ შორის დღგ).

4. მხარეთა ვალდებულებები

4.1 მიმწოდებელი ვალდებულია:

- ა) უზრუნველყოს წინამდებარე ხელშეკრულებით გათვალისწინებული შესყიდვის ობიექტის მიწოდება ხელშეკრულების დანართი #1-ის (ფასების ცხრილი), დანართი #2-ის (ტექნიკური დავალება) და ხელშეკრულებით გათვალისწინებული პირობების შესაბამისად;
- ბ) განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე;
- გ) ხელშეკრულებასთან დაკავშირებული ნებისმიერი ინფორმაციის მიწოდება აწარმოოს წერილობით;
- დ) ხელი შეუწყოს შემსყიდველს ინსპექტირების განხორციელებისას;
- ე) განახორციელოს ამ ხელშეკრულებით მასზე დაკისრებული სხვა ვალდებულებები.

4.2 შემსყიდველი ვალდებულია:

- ა) უზრუნველყოს ხელშეკრულების შესრულების კონტროლი;
- ბ) განახორციელოს ამ ხელშეკრულებით მასზე დაკისრებული სხვა ვალდებულებები.

4.3 მხარეები კისრულობენ ვალდებულებას წერილობით ან/და ელექტრონული ფოსტის (მიმწოდებლის ელექტრონული ფოსტის მისამართი: george.potrjebski@ugt.ge; შემსყიდველის ელექტრონული ფოსტის მისამართი/საკონტაქტო პირი: servicedesk@sda.gov.ge მეშვეობით აწარმოონ ხელშეკრულებასთან დაკავშირებული ნებისმიერი მიმოწერა.

5 ხელშეკრულების შესრულების კონტროლი

5.1 შემსყიდველის მხრიდან შესყიდვების კონტროლს (ინსპექტირებას) განახორციელებენ სახელმწიფო სერვისების განვითარების სააგენტოს ინფორმაციული ტექნოლოგიების ინფრასტრუქტურის მართვის სამსახურის უფროსი თეიმურაზ დათიაშვილი, სააგენტოს ინფორმაციული ტექნოლოგიების ინფრასტრუქტურის მართვის სამსახურის ელექტრო-ტექნიკური საშუალებების მხარდაჭერის მენეჯერი ვახტანგ ყანდაშვილი, სააგენტოს ლოჯისტიკის სამსახურის მთავარი სპეციალისტი ანდრო შალიკაშვილი, ხოლო ხელშეკრულების პირობების შესრულების კონტროლს განახორციელებს შესყიდვების სამსახურის მთავარი სპეციალისტი მარინე გვრიტიშვილი.

5.2 შესყიდვის ობიექტის მიწოდებისას გაფორმდება მიღება-ჩაბარების აქტი, სადაც დაფიქსირდება მიმწოდებლის მიერ ნაკისრი ვალდებულებების შესრულების შესაბამისობა წინამდებარე ხელშეკრულების პირობებთან.

5.3 ხელშეკრულების პირობებთან შესაბამისობის დადგენის მიზნით, შემსყიდველი უფლებამოსილია საკუთარი ხარჯით, მის მიერ შერჩეული მეთოდით შეამოწმოს მოწოდებული შესყიდვის ობიექტის ხარისხი ნებისმიერ დროს.

5.4 საქონლის შემოწმების პროცესში, ხარვეზის აღმოჩენის შემთხვევაში, მიმწოდებელი ვალდებულია აღნიშნული აღმოფხვრას ხარვეზის არსებობის შესახებ შეტყობინების შემდგომ გონივრული ვადაში, მაგრამ არაუგვიანეს 30 დღის ვადაში (ხარვეზის არსებობის დამადასტურებელ დოკუმენტაციასთან და/ან ნიმუშთან ერთად) და აანაზღაუროს საქონლის შემოწმების მიზნით შემსყიდველის მიერ დახარჯული თანხა.

6 შესყიდვის ობიექტის ხარისხი და გარანტია

6.1 მიმწოდებელი იძლევა გარანტიას, რომ მიწოდებული საქონლის ხარისხი უპასუხებს #SPA180006149 ელექტრონული ტენდერის საშუალებით სახელმწიფო შესყიდვის პირობებს.

6.2 შესყიდვის ობიექტის ხარისხი უნდა შეესაბამებოდეს ამ სფეროში არსებულ სტანდარტებს და ტექნიკურ ნორმებს.

6.3 შემოთავაზებული საქონელი უნდა იყოს ახალი ქარხნული შეფუთვით. შეფუთვის მთლიანობის დარღვევის შემთხვევაში შემსყიდველი უფლებამოსილია არ მიიღოს საქონელი და დაუბრუნოს მიმწოდებელს.

6.4 შემოთავაზებულ საქონელზე უნდა ვრცელდებოდეს საგარანტიო მომსახურება ორი წლის ვადით დანართი #_-ის (საგარანტიო მომსახურება) შესაბამისად.

7 შესყიდვის ობიექტის მიწოდების ვადა და პირობები

7.1 საქონლის მიწოდება უნდა განხორციელდეს ხელშეკრულების გაფორმებიდან არაუგვიანეს 90 კალენდარული დღის განმავლობაში;

7.2 შესყიდვის ობიექტის მიწოდების ადგილია ქ. თბილისი, აკ. წერეთლის გამზ. #67ა.

8 შესყიდვის ობიექტის მიღება-ჩაბარების წესი

8.1 მიწოდებული შესყიდვის ობიექტის მიღება-ჩაბარება უნდა განხორციელდეს შემსყიდველის მხრიდან ინსპექტირების განმახორციელებელი პირების მონაწილეობით, მიღება-ჩაბარების აქტის გაფორმებით, სადაც მიეთითება მიწოდებული შესყიდვის ობიექტის დასახელება, რაოდენობა და ფასი.

9 ანგარიშსწორება

9.1 ანგარიშსწორება განხორციელდება უნაღდო ანგარიშსწორებით, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

9.2 ანგარიშსწორება განხორციელდება მიღება-ჩაბარების აქტის გაფორმებიდან და საგადასახადო ანგარიშგაქტურის წარმოდგენიდან (დღგ-ს გადამხდელად რეგისტრაციის შემთხვევაში) 20 (ოცი) კალენდარული დღის განმავლობაში.

9.3 თუკი ანგარიშსწორების განხორციელების ვადის ბოლო დღე ემთხვევა არასამუშაო დღეს, მაშინ ანგარიშსწორება განხორციელდება მომდევნო სამუშაო დღეს.

10 ხელშეკრულების შესრულების შეფერხება

10.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

10.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

11 ხელშეკრულების პირობების შეუსრულებლობა

- 11.1. თუ მიმწოდებელი: არ ასრულებს ან არაჯეროვნად ასრულებს ხელშეკრულებით ნაკისრ ვალდებულებებს, ან სისტემატიურად და/ან უხეშად არღვევს ხელშეკრულების პირობებს, შემსყიდველი წერილობით აფრთხილებს მიმწოდებელს დაიცვას ხელშეკრულების პირობები;
- 11.2. თუ მიმწოდებელი გაფრთხილების (შემსყიდველის მიერ მითითებულ გონივრულ ვადაში) შემდეგაც არ ასრულებს ნაკისრ ვალდებულებებს, შემსყიდველს უფლება აქვს ცალმხრივად შეწყვიტოს ხელშეკრულების მოქმედება; ასევე დააკისროს ხელშეკრულებით გათვალისწინებული ვალდებულებების შეუსრულებლობით გამოწვეული ზიანის ანაზღაურება საქართველოში მოქმედი კანონმდებლობით გათვალისწინებული წესის შესაბამისად;
- 11.3. შემსყიდველს უფლება აქვს ცალმხრივად შეწყვიტოს ხელშეკრულების მოქმედება აგრეთვე:
- ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
 - ბ) მიმწოდებლის გაკოტრების შემთხვევაში;
 - გ) საქართველოს კანონმდებლობით გათვალისწინებულ სხვა შემთხვევებში;
- 11.4. მხარეებს ხელშეკრულებით გათვალისწინებული ვადების დარღვევის შემთხვევაში დაეკისრებათ პირგასამტეხლო ყოველ ვადაგადაცილებულ დღეზე ხელშეკრულების ღირებულების 0,01%-ის ოდენობით;
- 11.5. იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 3%-ს, შემსყიდველს უფლება აქვს შეწყვიტოს ხელშეკრულება.
- 11.6. საჯარიმო სანქციის გადახდა არ ათავისუფლებს მიმწოდებელს ძირითადი ვალდებულებების შესრულებისაგან.
- 11.7. პირგასამტეხლოს გამოთვლისას არ გამოიანგარიშება ინსპექტირებისთვის გახარჯული დრო.
- 11.8. გამოვლენილი დეფექტის აღმოფხვრასთან დაკავშირებით (მიმდინარე და ასევე უკვე შესრულებული ეტაპების მიხედვით) ინსპექტირების ჯგუფის მიერ თავდაპირველად განსაზღვრულ და „შემსყიდველთან“ შეთანხმებულ ვადაზე არ ვრცელდება საჯარიმო სანქციები.

12 დავების გადაწყვეტა

- 12.2 ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკების გზით.
- 12.3 თუ ასეთი მოლაპარაკების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის შესაბამისად მიმართოს საქართველოს სასამართლოს.

13 ხელშეკრულების შეწყვეტა

- 13.2 შემსყიდველი უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების შესრულებას, ან მოქმედი კანონმდებლობით დადგენილ სხვა შემთხვევებში.
- 13.3 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით განსაზღვრული ვალდებულებების შესრულებისაგან.
- 13.4 ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

14 ხელშეკრულების მოქმედების ვადა

14.1 წინამდებარე ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2018 წლის 31 დეკემბრის ჩათვლით.

15 ფორს-მაჟორი

15.1 წინამდებარე ხელშეკრულების დამდეგი რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

15.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

15.3 მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

16 ხელშეკრულების პირობების გადასინჯვის შესაძლებლობა

16.3 წინამდებარე ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კონმდებლობით დადგენილი წესით.

16.4 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

16.5 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია ორი კვირით ადრე წერილობით შეატყობინოს მეორე მხარეს შესაბამისი ინფორმაცია.

17 სხვა პირობები

17.1 მხარეები აუნაზღაურებენ ერთმანეთს მიყენებულ ზარალს საქართველოს კანონმდებლობის შესაბამისად.

17.2 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

17.3 ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი ეგზემპლარი მიმწოდებელთან, ხოლო ერთი შემსყიდველთან).

17.4 ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

17.5 ხელშეკრულებაში ცვლილებების შეტანა შესაძლებელია მხარეთა მიერ წერილობითი შეთანხმების საფუძველზე, რაც წარმოადგენს ხელშეკრულების განუყოფელ ნაწილს.

18. მხარეთა რეკვიზიტები:

შემსყიდველი:

სსიპ სახელმწიფო სერვისების
განვითარების სააგენტო
ქ. თბილისი, აკ. წერეთლის გამზ. #67ა
სახელმწიფო ხაზინა
BIC კოდი: TRESGE22
ა/ა GE24NB0330100200165022
ს/კ 202 307 404

სააგენტოს მხარდაჭერის
დეპარტამენტის დირექტორი



ნინო ინჯირველი

მიმწოდებელი:

შპს „იუ ჯი თი“
ქ. თბილისი,
ჭავჭავაძის გამზ. 17ა
სს „საქართველოს ბანკი“
BIC კოდი: BAGAGE22
ა/ა GE 88BG 0000 0002 6164 4601
ს/კ 204 892 964

შპს „იუ ჯი თი“-ს
გენერალური დირექტორი



ერმილე სულაძე

რანსონი ანა

ფასების ცხრილი

N	შესყიდვის ობიექტის დასახელება	შემოთავაზებული საქონლის ტექნიკური მახასიათებლები	მწარმოებელი კომპანია და მოდელი	რაოდენობა	ერთეულის ღირებულება (დღგ-ს ჩათვლით)	საერთო ღირებულება (დღგ-ს ჩათვლით)
1	უწყვეტი კვების წყარო თანმდევი მონიტორინგით	სასერვერო კარადის ფორმფაქტორი; ტექნოლოგია და არქიტექტურა: სამფაზა, პარალელური, მოდულური, დეცენტრალიზებული არქიტექტურის ორმაგი გარდაქმნის ტექნოლოგიით; გამომავალი ჯამური სიმძლავრე (სარეზერვოს ჩათვლით): 60კვტ; მოდულების რაოდენობა: 3; მოდულის სიმძლავრე: 20კვტ; ნომინალური შემაგალი ძაბვა 3 x 400v + N, 50Hz/60Hz გამომავალი ძაბვის არასტაბილურობა: ±4%; ეფექტურობა: 96% (100%-იან დატვირთვაზე), 98% ეკო კონფიგურაციის დროს; გამომავალი ძაბვის სინუსოიდის ფორმის დამახინჯება: <1.5%; შემაგალი ძაბვის დიაპაზონი: -35% / +15%; თითოეულ მოდულს გააჩნია საკუთარი დამოუკიდებელი ეკრანი მართვის ლილაკებით და უწყვეტი კვების მოდულის ყველა პარამეტრის კონტროლის და მონიტორინგის შესაძლებლობით; საკომუნიკაციო ინტერფეისი: Ethernet, TCP/IP, HTTP, SNMP, RS232, USB, მცოცავი კონტაქტები; (დეტალური სპეციფიკაცია იხილეთ დანართში)	მოდელი: DPA UPScale RI40 მწარმოებელი: ABB	1 ცალი	93,359.00 ლ	93,359.00 ლ

შ.პ.ს. „იუ-ჯი-თი“ ქ. თბილისი, ჭავჭავაძის გამზ. 17ა, 0179

(პრეტენდენტის დასახელება)

ერმილესულაძე

(უფლებამოსილი პირის სახელი, გვარი

განერაღური დირექტორი


(უფლებამოსილი პირის თანამდებობა)



ქართული

ტექნიკური მახასიათებლები

x1 უწყვეტი კვების წყარო	
ფარმოებელი მოდელი	ABB
გაბარიტული ზომები	DPA UPScale RI40 სასერვერო კარადის ფორმატული განთავსებული 42U სასერვერო კარადი (600-2000-1000მმ) უწყვეტი კვების წყაროს ზომები 488 x 798(18U) x 735მმ (სიგანე x სიმაღლე x სიღრმე)
ტექნოლოგია და არეიტექტურა	კლასი – VFI-55-111 (EN62040-3 მიხედვით)
ტექნიკური მახასიათებელი	სამფაზა, პარალელური, მოდულური, დეცენტრალიზებული არეიტექტურის, ორმაგი გარდაქმნის ტექნოლოგიით აღნიშნული უწყვეტი კვების სისტემა იძლევა საშუალებას დატვირთვის გათიშვის გარეშე მოხდეს დაზიანებული ძალოვანი მოდულის გამოცვლა ან დამატება.
მოდულის სიმძლავრე	20 კვტ.
გამომავალი ჯამური სიმძლავრე (სარეზერვო სიმძლავრის ჩათვლით)	60 კვტ.
მაქსიმალური ჯამური სიმძლავრე	80 კვტ.
მოდულების რაოდენობა	3 ცალი
მოდულების მაქსიმალური რაოდენობა	4 ცალი
რეზერვების ტიპი	2+1
ნომინალური შენვარი ძაბვა	3 x 400V + N, 50Hz/60Hz
შემავალი ძაბვის დიაპაზონი	-35% / +15%
შემავალი ძაბვის სიხშირის დიაპაზონი	35...70Hz
შემავალი წრედის სიმძლავრის კოეფიციენტი	0,99
გამომავალი ძაბვის არასტაბილურობა	±4%
გამომავალი ძაბვის ფორმის დამახინჯება	<1.5%
ინვერტორის გადტვირთვის უნარიანობა	125% - 10წუთის განმავლობაში 150% - 1წუთის განმავლობაში
ფაქტორების მაჩვენებელი	96% (100% დატვირთვაზე) 98% (ცვლადი კონფიგურაციის დროს)



ლოკალური ეკრანი	თვითიერულ მოდულს გააჩნია საკუთარი დამოუკიდებელი ეკრანი მარევის დოლაკებით და უწყვეტი კვების მოდულის ყველა პარამეტრის კონტროლის და მონიტორინგის შესაძლებლობით
საკომუნიკაციო ინტერფეისი	Ethernet, TCP/IP, HTTP, SNMP, SMTP, RS232, USB, მცოდავი კონტაქტები
საერთაშორისო სტანდარტებთან შესაბამისობა	აკმაყოფილებს შემდეგი სტანდარტების მოთხოვნებს: უსაფრთხოება – EN62040-1 ელექტრომაგნიტური თავისებულება – EN62040-2, EN61000-3
მწარმოებლის გარანტია	2 წელი

შ.პ.ს. „იუ-ჯი-თი“ ქ. თბილისი, ჭავჭავაძის გამზ. 17ა, 0179

(პრეტენდენტის დასახელება)

ერმილ სულამე

(უფლებამოსილი პირის სახელი, გვარი

გენერალური დირექტორი

(უფლებამოსილი პირის თანამდებობა)



საგარანტიო მომსახურების პირობები

1. საგარანტიო მომსახურება განხორციელდება მიღება-ჩაბარების აქტის გაფორმებიდან 2 (ორი) წლის განმავლობაში.
2. საგარანტიო მომსახურების გაწევის ადგილი: ქ. თბილისი, აკ. წერეთლის გამზ. 67ა.
3. შესაძლო გაუმართაობის თავიდან აცილების მიზნით, მომსახურების გაწევის პერიოდის განმავლობაში მიმწოდებელი უზრუნველყოფს მოწოდებულ საქონლის ადგილზე დათვალიერებას, არანაკლებ 2 (ორი) თვეში ერთხელ და ამავე ვადაში დასკვნის სახით წარმოადგენს დოკუმენტს, რომელშიც ასახული იქნება დათვალიერების სრული შედეგი, სისტემის მოსალოდნელი გაუმართაობის აღმოჩენის შემთხვევაში დაზიანების აღმოფხვრის გზები და ვადები.
4. საგარანტიო მომსახურების უზრუნველსაყოფად, ინციდენტების აღრიცხვისა და რეგისტრაციის მიზნით, მიმწოდებელი ელექტრონული ფოსტის მისამართია George.potrjebski@ugt.ge. ინციდენტზე საპასუხო ქმედების და მოგვარებისთვის დადგენილი ვადის ათვლა დაიწყება ინციდენტის მიმწოდებლის მიერ გამოყოფილ ელექტრონულ მისამართზე მიღებიდან. მიმწოდებელი შეთანხმებული ელექტრონული მისამართიდან მიაწვდის ინფორმაციას შემსყიდველს ხარვეზის აღმოფხვრის შესახებ შემდეგ საკონტაქტო ელექტრონულ ფოსტაზე: servicedesk@sda.gov.ge.
5. საქონლის შემადგენელი ტექნიკის დაზიანების შემთხვევაში მიმწოდებელი შეაკეთებს (მწყობრში მოიყვანს) მათ, ხოლო საჭიროების შემთხვევაში დაზიანების აღმოფხვრის მიზნით შემსყიდველის წარმომადგენელთან შეთანხმებით ჩაანაცვლებს იმავე ან უკეთესი მონაცემების მქონე საქონლით, შემსყიდველის მიერ ხარვეზის არსებობის შესახებ შეტყობინებიდან ან მიმწოდებლის მიერ ადგილზე დათვალიერების შედეგად გაუმართაობის ან მოსალოდნელი გაუმართაობის აღმოჩენიდან გონივრულ ვადაში, თუმცა იგი არ იქნება 10 სამუშაო დღე.
6. საგარანტიო მომსახურების პერიოდში მიმწოდებელი დაიცავს საგარანტიო მომსახურების (გარდა წინამდებარე დოკუმენტის მე-5 პუნქტით გათვალისწინებული მომსახურებისა) გაწევის ვადებს, რომლებიც წარმოდგენილია ცხრილი N1-ში. მომსახურების გაწევის ვადები დამოკიდებულია შესაბამის პრიორიტეტზე. პრიორიტეტების მატრიცა წარმოდგენილია ცხრილი N2-ის სახით. ინციდენტის პრიორიტეტების განსაზღვრა მოხდება შემსყიდველის მიერ.
7. შემსყიდველის მიერ ინციდენტის დადგომამდე იდენტიფიცირებული საფრთხეები, რომელმაც შესაძლებელია გამოიწვიოს ინციდენტი, მიმწოდებლის მიერ მხარდაჭერილი უნდა იყოს მე-4 პრიორიტეტისათვის დადგენილი ვადებში.

ცხრილი N1 მომსახურების გაწევის ვადები

პრიორიტეტი	საპასუხო ქმედების დრო	გადაწყვეტის მაქსიმალური დრო	მხარდაჭერის დრო
პრიორიტეტი 1	არაუმეტეს 1 საათი	არაუმეტეს 3 საათი	24 x 7
პრიორიტეტი 2	არაუმეტეს 1 საათი	არაუმეტეს 6 საათი	24 x 7
პრიორიტეტი 3	არაუმეტეს 2 საათი	არაუმეტეს 1 სამუშაო დღე	სამუშაო საათები 09.00- 18.00, ორშაბათი - პარასკევი

პრიორიტეტი 4	არაუმეტეს 4 საათი	არაუმეტეს 3 სამუშაო დღე	სამუშაო საათები 09.00- 18.00, ორშაბათი - პარასკევი
--------------	-------------------	-------------------------	---

ცხრილი N2 პრიორიტეტების მატრიცა

გავლენა	გადაუდებლობა			
	სასწრაფო	მაღალი	საშუალო	დაბალი
უყვეტი კვების სისტემის 80-100% მწყობრიდან გამოსვლა	I პრიორიტეტი	I პრიორიტეტი	II პრიორიტეტი	III პრიორიტეტი
უყვეტი კვების სისტემის 50%-80%-მდე მწყობრიდან გამოსვლა	I პრიორიტეტი	II პრიორიტეტი	III პრიორიტეტი	IV პრიორიტეტი
უყვეტი კვების სისტემის 20%- 50%-მდე მწყობრიდან გამოსვლა	II პრიორიტეტი	II პრიორიტეტი	III პრიორიტეტი	IV პრიორიტეტი
უყვეტი კვების სისტემის 20%-მდე მწყობრიდან გამოსვლა	III პრიორიტეტი	III პრიორიტეტი	IV პრიორიტეტი	IV პრიორიტეტი

შპს „იუ ჯი თი“-ს გენერალური დირექტორი



ერმილე სულაძე